



皇明開國功臣錄卷十四

定遠黃金

張赫 謝成 張温 曹興 周武

朱壽 張翼 張銓 莊齡 孫世

高顯 丘廣 陳清 陳文 胡通

張赫濠州人元季江淮兵亂赫奮身田里義集士旅

圖捍鄉曲嘉山繆把頭屢遣人招之故弗往歲癸巳

太祖在濠遂率眾歸附即授以千戶俾從征討克定遠

甲午正月克泗州七月取滁州陞充萬戶乙未閏正

月隨總管趙子中攻破和州元平章也先帖木兒遁

去敗雞籠山寇兵六月翊從渡江拔采石舉太平陞
總管東收溧水溧陽丙申二月擊中丞蠻子海牙水
寨獲船一艘三月辛巳朔從取集慶路大破方山陳
兆先營手俘其鎮撫王某十日庚寅克集慶得兵數
百人乘勝東下十七日丙申克鎮江是年冬徐達等
攻常州久不下丁酉三月命赫統兵參隨湯和與徐
達合兵急攻遂下其城進階定遠將軍常春翼元帥
守禦常州嚴兵積糧歷戊戌至壬寅敵莫能侵其境
癸卯夏偽漢陳友諒圍洪都七月從上親征與戰
鄱湖轉擊之於禁江口友諒敗死十月從常遇春征

武昌甲辰二月陳理降武昌悉平領軍回翼丙午八
月大發兵討張士誠十月從破舊館昇山諸寨十一
月下湖州遂進圍蘇州諸將分門而軍赫軍閭門戒
嚴合攻敵戰屢衄丁未九月城破士誠就擒論功賜
彩段表裏復引軍回禦十月命從湯和討方國珍十
一月克慶元并下温台國珍遁入海島阮而恐就夷
滅率其子明元等及餘衆來降赫送國珍於京師洪
武元年陞福州都衛指揮副使誥授明威將軍二年
七月海上倭寇不時出沒或肆劫剽調往東碕水寨
沿海捕之殺獲甚多三年十一月陞本衛指揮同知

授世襲誥進懷遠將軍四年正月開設都指揮使司
命赫署事五年秋捕倭有慢攻罰俸之責八年三月
總督官軍南邊水寨備禦斬俘不可勝計六月統軍
船哨入牛山海洋遇有倭賊追至琉璃大洋親率士
卒與戰生擒賊首一十八名斬首數十級獲倭船數
艘及倭刀弓軍器上偉其功賜制獎諭降印與掌
十一月開設福州左衛兼署其事命支原俸九年冬
調興化衛十一年二月召回陞大都督府僉事時遼
東漕運甚艱軍食後期

上以為慮十二年己未命赫督運馬歷庚申辛酉歲一

行壬戌夏東椒山寇作亂勢猖獗統兵收捕之民賴
以寧復獎以制諭仍督遼運歷癸亥甲子乙丑丁
卯連運者四冒險履危勤勞備至丁卯九月乃授開
國輔運推誠宣力武臣柱國封航海侯食祿二千石
令子孫世襲又封其三代考妣皆侯爵侯夫人自是
復三督運庚午八月以疾卒于第年六十七舊作年
九十誤

上為之痛悼遣官諭祭賜葬安德鄉官山追封恩國公
謚莊簡赫勇畧兼資器度恢豁當羣雄扇亂天下阡
危則倡義旅以歸真主而立戰功及天下既平干
戈韜戢則殫力運餉折衝風濤以裕國計生則封侯

死則封公榮及前人福延後嗣可謂烈丈夫也已配
高氏封航海侯夫人子三人榮政敏榮洪武十三年
授金吾前衛指揮副使征迤北十四年征雲南等處
有功陞水軍右衛指揮使未襲侯爵孫鑑羽林左衛
指揮使陞福建都指揮使巡海捕倭嘗於泉漳沿海
禽賊寇揚總永樂初論功賜衣甲良馬白金綵段羽
林給俸從成國公征討廣西復以功賜文綺鈔錠留
鎮交趾曾孫寧

謝成濠州廣德鄉東湖村人少有勇畧元季兵亂從
太祖舉義克滁和二州渡江拔采石取太平定有金陵

以功授總管自是克南徐金壇毗陵宣婺皆預有顯
績陞管軍千戶庚子偽漢陳友諒以重兵犯龍濟奮
擊敗之辛丑從上破安慶乘勝進攻江州于時友
諒盜名號置官屬據江州為都至是始奔武昌癸卯
三月援安豐四月攻廬州七月鏖友諒於彭蠡甲辰
武昌既平用兵江右遂從下淮東泰州等處丙午秋
轉攻湖州十一月圍偽吳張士誠於姑蘇丁未九月
吳平陞指揮僉事征中原克沂密青莒等州洪武元
年取東昌浚儀河北鄆縣通州進克元都削平永平
保定中山真定遂取山西大同太原二年破陝西鳳

翔鞏昌臨洮延安平涼莊浪開城張良臣守慶陽出
兵拒戰攻破之竟克其城三年敗元兵於定西天下
既定論功行賞陞指揮使再陞奉國將軍大都督府
僉事命為晉王府相十一年八月西番洮州等處戎
寇叛亂上命沐英為征西將軍成為副將討之遂
帥京師及河南陝西山西兵征朵甘降其萬戶乞失
迦夷其部落俘獲無算延安伯顏帖木兒屢撫不服
及是勦平之洮州十八寨首三副使汪舒朵兒只
額膝子阿烏都兒及阿卜商等叛據納隣七站成移
征朵甘之師潛覆其壘皆生禽之殺獲數萬人獲馬

二萬牛羊橐駝二十萬得納鄰七站歸于版圖十二
年凱還上以成征西有功封永平侯賜鐵券其文
曰昔者聖君定賞以報功惟賢能受之朕觀古制漢
封最多然侯之名則同其食祿世守者各有等差為
功有先後業有巨微所以食祿有等階級有序以辨
輕重也爾都督僉事謝成去歲命西征以平羗戎今
歲獲功已歸雖首惡未禽其部落已經剪除所有孳
畜盡行拘入勢孤力弱將自殄滅朕念爾勞宜加封
爵今特封為開國輔運推誠宣力武臣榮祿大夫柱
國永平侯食祿二千石子孫世襲指揮使茲與爾誓

若謀逆不宥其餘死罪免二次以報爾功爾其益加
恭慎以保祿位延於永久豈不偉歟誥文同十六年
春命同魏國公徐達雄武侯周武鞏昌侯郭子興南
雄侯趙庸永城侯薛顯都督僉事馬雲蕭成巡撫北
邊訓練士卒冬十月遣使召還京二十七年坐事累
卒 田宅俱賜汪瑛

張溫國初從取太平定臺城京口破桐汭下常婺等
州戰龍灣克安慶九江南昌以屢功歷任千戶癸卯
塵偽漢於鄱湖甲辰收武昌陞統軍元帥從略湖南
乙巳征淮東丙午八月從伐張士誠克舊館下湖州

十一月進圍蘇州諸將分門而軍溫軍西門四面築
長圍困之又築敵樓二層施弓弩火銃於上又設襄
陽砲以擊之城中震恐敵兵屢出挑戰屢劄可未九
月城破士誠就擒 上嘉平吳功賜綵段素裏陞天
策衛指揮僉事從征中原洪武元年克汴洛蕪莫等
處二年克陝西鳳翔鞏昌臨洮涇州慶陽又從大將
攻下蘭州留守禦十二月己丑元將王保保知大將
南還自甘肅以兵未襲蘭州奄至城下溫會諸將校
曰彼悉眾襲我我兵寡難與為敵然彼遠來未知我
眾寡乘暮擊之可挫其鋒彼不退則固守以待援於

是整兵出戰保保兵少却遲明溫收兵入城敵兵遂圍城數重溫堅守不與戰戒將士防禦甚至時鷹揚衛指揮于光守鞏昌將兵來援至蘭州之馬蘭灘卒遇保保兵戰敗被執至蘭州城下使呼張將軍出降光大呼曰公等堅守徐總兵將大軍行至矣城中聞光言守益固敵人嘗夜二鼓登城守兵擊却之相持數月溫設方略屢乘其怠敗之保保進攻不利且懼大將軍至乃引去事聞陞僉大都督二府事三年六月命兼陝西行都督府僉事入謝

上諭之曰蘭州之捷可謂奇功夫將帥之道有功不伐則功益顯恃功驕恣則功益隳是故惟仁者不矜其功而智者克成其名仁智兼全所向無敵若乏仁寡智雖有勇敢之士百萬不足恃也古者仁智之將撫摩安輯見情達變坐而制勝以樹勲立名於當時者國家莫不倚重之功名始終萬古不朽其餘悍驕恣橫者及其成功之後即復縱肆以致敗亡此蓋勇力有餘而仁智不足故也古稱高而不危滿而不溢又曰功蓋天下守之以謙爾能守此則可以長保富貴矣四年正月命為叅將率河南陝西步騎從傅友德伐蜀克階文成都崇慶俘獲甚衆以功賜白金五十

兩綵段表裏各十一年秋西番等處羌戎叛亂命
充副將會王弼等總京師陝西河南山西兵討之降
朶甘酋萬戶乞失迦夷其部落勅平延安伯顏帖木
兒生擒洮州番首三副使顛膝子阿卜商等殺獲數
萬人獲馬駝牛羊數十萬得其地歸于職方十二年
凱還封會寧侯賜鐵券其文曰昔者聖君定賞以報
功惟賢能受之朕觀古制漢封最多然侯之名則同
其食祿世守者各有等差為功有先後業有巨微所
以食祿有等階資有序以辨輕重也去歲命將西征
以平羌戎今歲獲功已歸雖首惡未禽其部落已經

剪除所有孳畜盡行拘入勢孤力弱將自滅矣茲特
封都督僉事張溫為開國輔運雅誠宣力武臣榮祿
大夫柱國會寧侯食祿二千石子孫世襲指揮使茲
與爾誓若謀逆不宥其餘死罪免二次以報爾功爾
其益加恭慎以保祿位延於永久豈不偉歟誥文同
十三年命往河南理軍務時上以河南方造周王
宮殿恐軍民服役勞苦諭之曰河南將士疲勞者多
宜善撫之凡役萬人者可役千人千人者可役百人
使得更休毋盡其力十四年宮殿告成從征雲南二
十一年從北征皆有功後以居室器用奢僭獲罪二

十六年卒

曹興一名興才國初從取姑孰破敵砦克建康定南
一徐征下常婺等州皆預有功戰龍灣擣江州偽都積
勲任管軍千戶癸卯援安豐挫鄱湖之虜兵滅陳友
諒甲辰收武昌廬州陞指揮僉事自是攻淮東泰州
下濠州克懷遠伐偽吳蹂湖州進取平江以功賜綵
段表裏陞指揮使從征中原克山東等處洪武元年
克汴梁及河南府轉趨衛輝遂率兵攻蘇九疇山寨
九疇據炭一作山自固興連破其水隘六處九疇棄
柵而遁興追及之九疇走死獲其子璫以歸餘黨悉

平從大將取廣平臨清直沽通州遂拔元都取山西
二年從取陝西等州郡皆有勞績賜白金綵段三年
天下既平論功行賞陞河南行中書省叅政賜文綺
及帛二十四疋後陞大都督府都督僉事十一年西
番洮州羌戎叛亂命與藍玉王弼等副沐英討之率
京師河南陝西山西兵征進朶甘其酋有萬戶乞失
迎者請降延安伯顏帖木兒屢撫不服至是戡定之
洮州番酋三副使頽膝于皆就擒俘獲人口馬駝牛
羊以萬計十二年凱還

上偉其功封侯賜鐵券其文曰昔者聖君定賞以報功

惟賢能受之朕觀古制漢封最多然侯之名則同其
食祿世守者各有等差為功有先後業有巨微所以
食祿有等階資有序以辨輕重也爾都督僉事曹興
去歲命西征以平羌戎今歲獲功已歸雖首惡未禽
其部落已經翦除所有孳畜盡行拘入勢孤力弱將
自殄滅朕念爾勞宜加封爵特封為開國輔運推誠
宣力武臣榮祿大夫柱國懷遠侯食祿二千石子孫
世襲指揮使茲與爾誓若謀逆不宥其餘死罪免二
次以報爾功爾其益加恭慎以保祿位延於永久豈
不偉歟誥文同十五年十二月命同永城侯薛顯南
北征有功後數年卒

雄侯趙庸往山西理軍務賜鈔一十錠二十一年從
周武國初從取江南滅偽漢攻淮東平吳積有戰功
歷任指揮僉事從征中原勲績益著洪武三年天下
混一論功行賞陞指揮使賜文綺及帛未幾陞大都
督府都督僉事十一年八月西番等處戎寇叛亂
上命武為參將與藍玉張龍張溫王弼等從沐英討之
率京師陝西河南山西兵首取朶甘降其萬戶乞失
迦夷其部落俘獲無算河州西南土番川藏及洮州
十八族番酋三副使瘦滕子及阿卜商等既降復叛

據納隣七站之地十二年正月武等移師擊之至洮
州古城三副使等率衆遁去我軍追擊之獲磧石州
叛逃土官阿昌七站土官失納等斬之遂於東籠山
南築城戍守既而番寇復引兵來敵武等大敗之生
擒三副使等殺獲數萬人獲馬駝牛羊數十萬得其
地歸于職方土番川藏聞風復降遂班師六月至京
封雄武侯賜鐵券其文曰昔者聖君定賞以報功惟
賢能受之朕觀古制漢封最多然侯之名則同其食
祿世守者各有等差為功有先後業有巨微所以食
祿有等階資有序以辨輕重也爾都督僉事周武去

歲命西征以平羗戎今歲獲功已歸雖首惡未禽其
部落已經翦除所有孳畜盡行拘入勢孤力弱將自
殄滅朕念爾勞宜加封爵今特封為開國輔運推誠
宣力武臣榮祿大夫柱國雄武侯食祿二千石子孫
世襲指揮使茲與爾誓若謀逆不宥其餘死罪免二
次以報爾功爾其益加恭慎以保祿位延於永久豈
不偉歟誥文同十三年五月命往河南理軍務時

上以河南方造周王宮殿恐軍民服役勞苦諭之曰河
南將士疲勞者多宜善撫之凡役萬人者可役千人
千人者可役百人使得更休毋盡其力十六年春命

同魏國公徐達永平侯謝成鞏昌侯郭子興南雄侯
趙庸永城侯薛顯等巡撫北邊訓練士卒冬十月遣
使召還京後數年卒

朱壽國初歸附從征為萬戶渡江取江左諸郡邑陞
總管進攻常婺克武昌平蘇湖轉戰南北積功歷陞
指揮都指揮大都督府僉事後以督運糧餉有功封
舳艫侯食祿二千石授世襲洪武二十三年肅清逆
黨榜示勲臣五十七人各以類為標目以壽與江夏
侯周德興等十九人為一類題曰所在隨軍征討累
有戰將之功未有總兵之名而論舊封者一十九人

江夏侯周德興
崇山侯李新
清海侯吳禎
舳艫侯朱壽

鞏昌侯郭子興
南安侯俞通源
東勝侯江興祖
德慶侯廖永忠
吉安侯陸仲亨

南雄侯趙庸
永平侯謝成
善定侯陳桓
臨江侯陳德

安慶侯仇成
鳳翔侯張龍
航海侯張赫
濟寧侯顏時

壽以是為開國名將云

張翼臨淮人家世業農父聚英毅有膽畧元季丁酉
上統義師駐江左聚來歸用備行伍從征討屢立戰功
授前翼元帥自是從平江南取淮東轉拔安豐六安
勲績益著陞六安衛正千戶繼以所在攻克累遷大
同衛指揮同知致仕先是翼隨父軍中勇而善戰摧
陣踏敵每佐成功至是襲其職從北伐及征陝西擒
戮諸叛賊陞陝西都司都指揮僉事再陞僉大都督

府事十三年更定官制改前軍都督僉事十四年從征雲南克普定普安破曲靖下雲南府十五年克大

理遂取鶴慶

麗江十六年勦七百房等寨擣劍川擊石門十七年

論平雲南功

上曰都督張翼開國以來屢效勤勞今從征雲南功勳

尤著宜加封爵授開國輔運推誠宣力武臣榮祿大

夫柱國封鶴慶侯食祿二千五百石賜誥命鐵券令

子孫世襲

與陳桓胡海郭英同日封侯

張銓定遠人少有勇力善射喜談兵元季江淮雲擾

太祖舉義定亂銓歸焉渡江從取太平建康南徐毗陵

征下婺州討偽漢擣江州戰鄱湖收鄂渚攻淮東伐

偽吳克平蘇湖累立戰功歷陞指揮僉事繼取中原

破沂莒益都濟寧諸州下濟南克汴洛燕晉以及三

秦洪武三年中原大定論功賜白金文幣陞指揮使

四年從征西蜀降明昇陞大都督府都督僉事十二

年董建齊王府宮殿於青州十三年六月

上遣使齎勅諭之曰昨者上天垂戒朕思治理息民為

先其王府一切役作宜皆停罷十四年副江夏侯周

德興帥師征五溪蠻蠻人畏威皆散走未幾四川水

盡源通塔平散毛諸洞酋長作亂仍命副德興移兵

討之諸蠻據險負固大軍弗利深入乃出奇設伏遠

近相應而以大軍躡其後彼惶愕失措尋皆平之旋
師至常德有旨從潁川侯傅友德征雲南銓分領
精銳由永寧進向烏撒友德既破曲靖遂提兵通永
寧之師銓與友德合攻烏撒克之諸夷望風降附二
十一年再從友德征烏撒及雲南曲靖普安龍海孟
定曲麻馬乃等處有功封永寧侯賜號開國輔運推
誠宣力武臣階榮祿大夫勲柱國食祿二千石賜誥
命鐵券子孫世襲指揮使

莊齡國初從征取江南等處攻偽漢平武昌克淮東
浙西身經百戰以功歷陞指揮同知繼取中原諸州

郡勲績益懋洪武三年冬十一月天下既平論功行

賞陞大都督府都督僉事仍令子孫世襲指揮四年三月

詔齡同榮陽侯鄭遇春
往臨濠開行大都督府

孫世廬州巢縣人少有勇力元季集眾屯巢湖乙未

上駐師和州世從諸將歸附渡江克太平定金陵從取

江南諸郡縣轉戰湖廣淮東浙西繼征中原積功累

授河州寶慶二衛指揮使陞中軍都督府僉事洪武

十四年春二月壬子以疾卒年六十二命輟朝二日

遣官致祭詔追封為富春侯誥曰人臣能宣力效忠

佐興大業者生則祿位以崇其身歿則褒贈以顯於

後所以報功示不忘也咨爾中軍都督府僉事孫世以武勇奮行伍渡江以來勤事左右歷著戰功繼從大將軍征討與有勞焉天下既定陸職賞功遂僉都府方期克享安榮而乃遽然長逝追念曩昔未嘗有忘是用贈爾開國輔運推誠宣力武臣光祿大夫柱國同知中軍都督府事追封富侯謚忠勇以慰爾於冥冥嗚呼生為勇將歿則侯功烈昭聞垂于不朽可無愧矣尚其有知服茲寵命賜葬鍾山之陰高顯廬州梁縣人性剛勇有膂力元季從軍歲丙申上駐師太平顯來附從定金陵鎮攻下常宣池睦婺

衢凡取江右湖廣淮東浙西每戰必當前列以屢功歷陞指揮僉事丁未冬征中原克山東沂州益都濟寧等處洪武元年隨征東昌樂安平之陞指揮使還守濟寧大軍克汴梁下河洛破關陝即回謀取元都七月丁酉大將徐達檄都督張興祖與顯等將益都徐州濟寧之師會於東昌閏七月己酉大將師次臨清遣人詣東昌趣顯等以師會顯尋率師會大將於德州遂從克長蘆元守將左僉院遁去師至直沽元將捍禦海口者望風奔潰至河西務戰敗元平章俺普達及兒止進巴兵擒獲數多進薄通州元主及其

后妃太子北走八月庚午克元都併取薊門永平二年從破開平大獲元軍士三年春

上分封諸王慎選輔弼以顯為燕府左副冬十一月命兼大興左衛指揮使給兼官之俸五年副征沙漠有功九年改寧川衛指揮使十一年從征松疊潘等州松州既平率將士城其地請立軍衛置松州衛指揮使司降印設官領軍戍守十二年陞大都督府都督僉事未幾更立五軍改僉後軍都督事十三年九月辛亥卒賜葬鍾山之陰追封汝陰侯謚武肅誥曰自昔帝王之興統一寰宇其義勇之士有能委身效力

佐成大業者生膺爵位之貴歿有褒贈之榮惟爾龍虎將軍僉後府都督事高顯曩以英毅之資居行伍之列當朕渡江之初隨衆來歸勤事左右披堅執銳無役不從略地攻城所戰必克雖敵衆在前而不顧矢石集身而不辭累立奇功進典兵衛繼隨大軍平靖幽薊以至副征迤北戍守寧川獻俘執訊撫順招降勲績尤著歷官顯要冀享安榮何乃天不降年因疾長逝追念爾勞朕豈能置是用贈爾開國輔運推誠宣力武臣榮祿大冏知後軍都督府追封汝陰侯謚武肅以慰爾於冥冥嗚呼生則樹勲歿則封爵

始終克全可無憾矣英靈如知服此寵命

丘廣國初從征年最少勇畧冠軍取江南諸郡縣歲

庚子破敵龍濟辛丑擣九江為都下南昌癸卯鏖戰

鄱陽偽漢敗滅甲辰平武昌遂克荆常潭澧以屢功

累陞潭州衛指揮使州一云洪武二年廣尚為潭丁未

冬從平章楊璟等征廣西洪武元年春克永州全州

道州寧州藍山武岡等處四月進擊靖江左丞周德

興先據靖江險要以絕其聲援楊璟張彬合圍其城

一攻之越二旬不下璟曰彼所恃者西城壕水耳當先

取開口關決其隄岸則破之必矣廣乃引輕兵攻開

口關守隄兵遂決其隄壕水涸曰築土隄興其城接

以通士卒遂克其北門月城又克其北門水隘斬獲

百餘人元守將平章也兒吉尼大懼相持凡兩月攻

之益力也兒吉尼勢窮蹙六月壬戌夜四鼓我師入

其城執也兒吉尼遂克靖江二年九月左江上思州

蠻賊黃英傑等聚衆萬餘寇鬱林州知州趙鑑同知

王彬集民丁拒守賊攻圍半月不下廣西海北等衛

官軍來援賊夜遁追至上思州境破之賊走還仍聚

結不解事聞十月二十七日

上命廣為總兵官偕寶慶衛指揮胡海廣西衛指揮左

君弼率兵聲討賊衆懼逃匿十萬山七峒口追及之
英傑拒捕廣禽斬之復斬其弟英覽及其偽官都尉
周福總統王飄周紀鎮撫王貪千戶于均輔與賊衆
二千餘人仍撫安其餘衆而還十二月賜白金綵段
三年二月賞平廣西靖江功賜文綺帛各六疋天下
既平論功陞大都督府都督僉事十一年卒

上親為文祭之曰朕起兵淮右相從者衆老成者多獨
爾方結髮之時荷戈戎行膽壯而氣剛凡摧堅撫順
爾皆有功今天下大定正當貴身榮家樂太平之福
何期年未高而忽疾杳然長逝嗚呼生死之道世人
之常爾雖早亡功名昭著丈夫至此必無憾矣爾其
有知尚享

陳清廬州巢縣人性勇悍善戰元季兵起清集義旅
捍禦歲乙未上駐蹕和陽清率衆來歸從渡江定
金陵取淮浙湖廣江右之地皆預有功嘗領舟師捕
倭寇殺獲甚衆由英武衛指揮同知授龍虎將軍中
軍都督府都督僉事以年老俾食其祿致仕居家洪
武十五年三月丙辰以疾卒年五十九詔贈開國輔
運推誠宣力武臣追封合浦侯謚崇武賜葬鍾山之
陰子三人長刺哥次保保皆歿于行陣次亮襲英武

衛指揮同知

陳文廬州合肥人早喪父奉母至孝勤於稼穡家遂
殷富元季挈家從上屢立戰功累官至都督僉事

洪武十七年十月壬申以疾卒年六十追封東海侯
謚孝勇誥曰朕惟帝王之興必有佐運之臣竭其忠
力故能生享爵祿歿膺贈謚此古今報功之令典也
爾驃騎將軍後軍都督府僉事陳文奉母至孝恪勤
匪懈挈家從戎謀勇兼濟又能審擇所從今有年矣
朕南收吳越北定中原東征西討所向克捷爾實與
有勞焉天下既定論功行賞超居都府固將與爾同

享昇平之樂豈期遽嬰危疾溘然長逝朕甚悼焉今
特加爾為開國輔運推誠宣力武臣追封東海侯謚
孝勇爾其有知服茲寵命

胡通廬州合肥人世居西鄉務耕稼通生而驍勇慵
事家人生業至正乙未上駐師和陽通挺身來附
從渡江拔采石取太平攻溧陽及小花圩等處丙申
破蠻子海牙水砦克建業定京口以功授總管從攻
毗陵丁酉二月下之尋取宣徽戊戌十二月從

上取金華己亥克諸暨攻越州陞鎮撫庚子閏五月偽
漢陳友諒陷太平遂犯龍灣從擊敗之辛丑八月從

征友諒破江州偽郡徇下南昌自是戰彭蠡平武昌
勳績益著陞指揮副使甲辰八月從征贛州是時江
右郡縣皆附惟熊天瑞負固故有是役乙巳正月天
瑞窘於久圍出降遂平贛州改贛州衛副使同陸仲
亨鎮戍其地節制南安南雄韶州新附諸郡洪武元
年二月壬戌勅仲亨通帥本衛及韶州南雄等衛軍
馬會征南將軍廖永忠等征廣東諭仲亨通曰近命
平章楊璟等由湖南取廣西平章廖永忠等由福建
取廣東今特命爾等率師由韶州直擣德慶三方進
師為犄角之勢舉無不克廣東既下合兵以取廣西
先聲既震勢如破竹但當撫輯生民毋縱侵掠四月
率師畧定英德清遠晉江連州肇慶等郡邑進攻德
慶元守將張鵬程驅衆棄城遁通與仲亨遂引兵會
永忠於廣州降元守將盧左丞得海舟五百艘軍士
二千九百餘人馬三百疋糧五千餘石永忠留通守
之勞來綏定威望甚著陞指揮使天下大定陞僉大
都督府事後更定官制改前軍都督僉事數年致仕
而卒

皇明開國功臣錄卷十五

定遠黃金

朱文正 繆大亨 何文輝 胡德濟

張彬 戴德 金興旺 王成

軍發 王簡 王真 潘毅

王玉 趙馘 何德 胡德

朱文正南昌王子也國初從渡江克太平破陳也先

營取建康歷有戰功擢為樞密院同僉辛丑三月改

樞密院為大都督府命文正為大都督節制中外諸

軍事八月 上克江州偽漢陳友諒平章祝宗以南

昌降壬寅正月 上命宗從徐達征武昌宗中途叛
回揚南昌四月始定其亂 上曰得南昌是去陳氏
之一臂况其地襟江帶湖控荆引越乃楚之重鎮為
吳西南之藩屏人好訟難制山寨未降者多非骨肉
老成莫能治之五月命文正統元帥趙德勝等往鎮
其地授節鉞文正既至增復城池嚴為守備招諭山
寨未降首目悉樂歸順徙訟者誅之號令明肅遠近
震懼癸卯四月陳友諒自武昌親率舟師號六十萬
圍南昌用雲梯等攻具百道擊攻文正城上發砲石
擗木火箭無不破之敵怒自晝夜環攻友諒親督

促之意必拔文正主畫軍中分布諸將隨方應敵翦
獲甚衆友諒復以其所獲吉安守將劉齊朱華臨江
同知趙天佑徇城下文正畧不為動至六月被圍日
久音問不通援兵不至文正道千戶張子明告急於
建康敵攻城益急文正遣捨命王詣友諒營詐約日
出降友諒信之緩其攻及期城上旗幟一新至暮不
出友諒縛捨命王於城下殺之文正堅守以待援至
初子明取東湖小魚舟夜從水關潛出越石頭口夜
行晝止半月始達建康見 上具言其故

上問友諒兵勢何如子明對曰友諒兵雖盛而戰鬪死

者亦不少今江水日涸賊之巨艦將不利用又師乏糧若援兵至必可破也 上謂子明曰汝歸語文正但堅守一月吾當自取之子明還至湖口為友諒兵所執友諒使呼文正出降子明至城下呼曰大軍且至固守以待文正聞之守益堅敵莫能破七月丙戌圍且三月 上親帥諸名將統舟師二十萬討之友諒始解圍與王師大戰鄱陽竟敗死禁江口當是時友諒空國而來強兵壓境使南昌不守其為敵之資豈細也哉文正用其智勇平保無虞亦可以為難矣故論守南昌文正功居多 甲辰二月武昌既平湖

南江右郡邑多款附惟熊天瑞竊據贛州尚爾負固上命江西叅政鄧愈率諸軍往征仍以命文正以本省頭目官軍除擇撥在城親馭守禦並以都其餘官軍悉付鄧愈統領以助聲討乙巳丙午筮年遣部將何文輝等討平江西未附州縣後數年子守謙封靖江王繆大亨定遠人初起義兵為元攻濠不克元兵潰散大亨獨率其眾二萬從元將屯洪澗山固守月餘乃率眾降 上聞其勇智用為將從征屢有功渡江取姑孰克金陵鎮江收廣德下毗陵皆預有顯績擢為大元帥丁酉十月 上閱軍於大通江遂命大亨率

師取揚州一鼓克之降其統軍元帥張明鑑得其衆
數萬戰馬二千餘足報至 上嘉其功置淮海翼元

帥府命將守之庚子三月戊子朔改淮海翼元帥府為江南等處樞密院陞大亭同僉樞

密院事統馭江淮總制揚州鎮 江等處軍民以嚴格

戒士伍以簡重涖民 庶寬厚不撓多惠愛及凡剖決

獄訟曲直悅服而其政一主於仁及卒民哀之如親

喪 朝廷遣官祭之曰繆將軍平生端直在諸將中

未嘗有過今不見矣惜哉葬丹徒縣西

何文輝滁州人元帥世隆孫也幼岐嶷年甫十三

太祖取之鞠養賜姓朱及名小字道舍既長嚴毅沉果

有遠略歲戊戌授元帥守禦宣州威望甚著甲辰擢

江西行省叅政每以大都督朱文正命討平江西未

附州邑新淦鄧仲廉負固恣肆乙巳正月率師致討

執而斬之是年冬預征淮東克恭州等處丙午八月

從伐張士誠十月克舊館十一月下湖州進攻蘇州

圍其城諸將分門而軍文輝軍城西北四面築長圍

困之又築敵樓三層下瞰城中置弓弩火銃於上又

設襄陽砲以擊之城震恐敵兵屢出挑戰屢劔而

入丁未九月城破士誠就擒 上論平吳功賜綵段

表褒陞江西行省左丞降褒諭十月命為征南副將

軍同平章胡廷瑞率吉安寧國南昌袁顛滁和無為等衛軍由江西取福建受諭而往至是始復何妣志

作癸卯年十一月壬寅帥師度杉關畧光澤縣下之

十二月丁未師至邵武元守將李宗茂以城降得將

士五千四百餘人丁巳至建陽守臣曹復疇出降命

指揮沈友仁守之明年戊申洪武建元正月壬午至

建寧元守將同僉達里麻叅致陳子琦集寮佐謀曰

聞大明軍驍勇自入杉關諸鎮兵皆望風瓦解其鋒

不可當今吾城中軍士亦不下萬餘儲蓄尚富可以

拒守不可與戰彼攻吾城不克必將自退吾因而乘

之或可以得志與皆曰然由是備禦甚堅文輝進兵

圍之數與挑戰達里麻等固守不出我師環其四面

攻之壬辰克建寧時文輝與廷瑞攻城益急達里麻

不能支夜潛至文輝營納款詰旦總管程也先不花

亦率眾詣文輝降廷瑞怒二人不詣已欲屠其城文

輝止之曰吾與公同受命至此為安百姓耳今城降

欲以私忿殺人可乎廷瑞乃止整軍入城申嚴號令

秋毫無所犯執陳子琦送京師獲將士幾萬人馬三

百疋銀幾二萬兩糧十萬石令指揮曹子賢領兵守

之二月癸卯遣曹復疇招諭汀州寧化連城等縣元

汀州路守將陳國珍納款泉州郡縣相繼降附三月
辛未汀州路總管吳崇率耆民降於軍門是時王師
取中原向河洛車駕將幸汴梁召還扈從五月丁酉
上在汴梁命文輝為河南指揮使守河南七月丙申進
山等寨賊首劉志原等餘黨寇汝州三屯尚店等處
文輝率兵至嵩州遣指揮任亮等討破之餘黨潰散
獲馬騾七十餘疋二年正月大將徐達自河中進取
陝西檄文輝以兵從征仍令留兵守河南自是克陝
西鳳翔秦隴鞏昌臨洮慶陽任在有功八月庚寅大
將師至平涼文輝自宜祿米粟逐命守潼關三年十

一月中原大定論功行賞陞大都督府都督僉事仍
令子孫世襲指揮使四年命為叅將從穎川侯傅友
德伐蜀取階文成成都崇慶等州郡獲馬牛羊無算蜀
平以功賜白金五十兩綵段十表裏遂鎮成都號令
嚴明恩威並著軍民德之七年代華雲龍鎮北平移
鎮鴈門以病召回九年六月十日卒于家年三十五
上親為文遣使祭之曰曩因元季天下紛爭朕奮起草
萊為民除害初駐滌陽時爾尚幼撫養教訓至於長
成謀策深遠遂命鎮守要地出破堅城所至有功無
所畏避南征閩越北取中原凡隨大將旌麾所至威

望凜然朕之與爾義鮮君臣恩猶父子及天下大定
之後命爾為都督且期同享太平之福豈意督守鴈
門驅馳勞頓疲倦成疾召還療理遷延不愈朕猶未
為深憂何期一旦長逝愍悼之心如何能已然爾生
為國立功已授爵祿命雖不永名則長存爾亦無憾
俟爾子孫之長當使承襲爾職以報爾功入歛之初
特以牲醴致祭爾其享之復勅工部營宅兆於淙城
東沙河上葬焉文輝以童穉甄收於

聖明稍長即有心膺之託備器以成挺出人表屢殲勅
悍而志不矜七守要害而謹益至忘身憂國隱然為
時名臣雖茅土名數未加而勲望著于 聖誅有當
時列侯所不及者此可以不死矣復何慊哉子環成
都護衛指揮使二十二年征韃靼沒於陣孫禎本衛
同知

胡德濟字世美武莊越公大海子也大海當國初從
太祖渡江克有江南諸郡德濟恒在軍中預有勞焉歲
庚子大海既下信州 上以德濟為行樞密院同僉
守之辛丑三月陳友諒將李明道寇信州聞大海在
浙東懼其來援乃遣兵據草平鎮以遏其師六月明
道寇信益急德濟以兵少閉城固守遣人求救於大

海大海即率師由靈溪以進德濟聞援三乃引兵出城與明道力戰大海遂縱兵夾擊大破之禽明道及其宣慰王漢二并部卒千餘人得戰馬器械甚衆乃送明道漢二於總鎮朱文忠文忠令二人招王溥同送之建康 上命三人為鄉道以取江西壬寅二月大海為苗軍元帥蔣英等所害德濟聞難即奔討于上時處州苗軍降將李祐之等亦殺守將院判耿再成偽吳張士誠聞浙東亂乘隙調同僉呂珍寇諸暨文忠以嚴州兵少兼密邇桐廬賊境衢信兵出江西無以應援金華止與部下議兵貴虛聲揚榜於賊境詐

云平章邵榮領兵五萬已出江右丞徐達領兵五萬已出徽州約會金華刻日進抵諸暨勸捕賊兵見榜具告呂同僉欲退五里下營以待決戰時德濟自信州將兵來接適有降卒走報賊情德濟得其實與院判謝再興分門以守至夜半令軍士飽食高聲發喊鑼鼓砲銃聲震天地一鼓出城寇營驚亂人馬奔走自相蹂躪德濟督兵追殺橫尸滿野呂珍部下先鋒渡河溺死片甲不返寇敗之後邵榮胡深攻破處城祐之等伏誅癸卯四月謝再興以諸暨叛赴紹興降于張士誠 上命徐達於諸暨五指巖下築新城特

陞德濟為浙東行省參知政事江統重兵守之實與文忠聯絡氣勢綏輯東土折衝外侮德濟部下將士家大半尚留嚴州間有潛移新城者文忠知之意德濟使之尋誅其都事羅彥敬以戒以人各將帥怒曰我等守方面委命征戰畧不相容訖德濟曰何處不富貴別為圖之德濟曰右丞程彥敬自為廣信戰衣作弊非為我也爾等分守寧家勿再言言者以軍法治之乙巳二月己丑士誠挾再興率下馬步卒踰濤江而東圍新城號二十萬壁壘旁午旌旗充塞且堅忍持重為必拔之計搆節寢宇創建倉庫預定州長貳

官屬復分糧卒數萬屯城北十里以遏我援師德濟堅力以守戒將士勿輕與戰有來攻城發矢石退之遣使乞師於文忠是月丁巳文忠統兵由嚴陵馳援抵龍潭去敵營不二十里因據其險夜四鼓德濟知援至潛遣使以寇中事報文忠明日將空壁迎戰文忠戒部下當效死斬擊且以死自誓於是我軍大奮大衆乘之寇兵遇者靡地躡而殲之流血膏野死者數萬德濟亦率精甲出圍城中與文忠合擊之殺獲甚衆其主帥僅以身免復擊其餘寇焚其營落數十

俘其偽同僉韓謙理問滕忠元帥周遇蕭山等六百餘人軍士三千馬八百疋輜重鎧仗積如山丘其偽五太子遁走保全新城捷報

上召德濟赴京既見謂群臣曰我朝豈謂無人物此等皆成豪傑特陞浙江行省右丞賜駿馬一疋以旌其勞復召文忠語諫羅彥敬事失將帥心責曰爾不能牢籠人物胡德濟之德量爾不及也丙午十月克杭州陞浙江行省左丞移鎮于杭洪武元年昌國海中葉陳三姓據蘭秀山為盜統兵討平之二年從徐達征西莊浪失利部下千百戶十餘人達皆誅之惟據

德濟送京師 上賜勅曰德濟固是懦功然前守信州救諸暨守新城皆有功宜除其罪曲赦之仍命於達所聽調達班師德濟至京後用為都指揮使鎮守陝西有疾 上命醫治之不痊而卒夫勝敗兵家之常勇如李廣而有鴈門之蹶智如曹公而有赤壁之走古之名將且然德濟懃戰守乃一踏於莊浪賴聖明以功覆過而全之考其鎮浙時痛武莊之沒惓惓於國恩未報先志未酬卒能翦滅仇敵禽蔣英等助滅吳奮揚武烈謚固東藩若德濟者亦可謂勉盡忠孝無負君父者歟

張彬一名斌初從渡江拔姑孰戰漂水破敵若克臺
城鎮江丹陽下毘陵取宣睦婺衢數州皆預有功歷
陞指揮僉事李文忠鎮浙東彬為部屬提兵屢從征
勦謝再興以諸全叛降于張士誠乙巳二月士誠遣
再興等率兵二十萬寇諸全新城胡德濟堅守告急
彬以文忠命率兵出浦江為聲援賊兵退犯嚴州既
而復攻新城文忠帥彬等領兵抵龍潭據其衝要距
賊僅二十里明日賊空壁迎戰彬從文忠率先斬擊
於是我軍大奮無不一當百呼聲動天地賊兵遂大
靡亂自相蹂踐死者數萬文忠復遣彬等合擊餘寇
焚其營落數十俘其偽同僉韓謙理問滕忠元帥周
遇蕭山等六百餘人軍士三千馬八百疋輜重鎧仗
無算其偽五太子遁走捷聞

上大喜賜白金綵段陞湖廣行中書省叅政守禦岳州
取湖南未附州邑丙午九月攻下湘鄉周文貴復攻
掠辰州諸郡上聞之遣人諭彬等曰湖南地接溪
洞賊人恃險負固叛服不常宜多設方畧以取之薄
其山寨絕其樵米糧道彼烏合之徒志在剽掠既無
所得勢必潰散乘機勦捕庶無遺患有脅從者則開
釋之收復郡縣留兵鎮撫以綏遠人於是彬等遂分

兵進討文書道入寶慶餘堂悉平丁未九月姑蘇捷
至召彬及湖廣左丞周德興還建康以張士誠大會
諸將是年冬上命湖廣平章楊璟為征南將軍彬
與德興為副率武昌荊州益陽常德潭岳衡澧等衛
軍取廣西受諭而往武元年正月師次永州元右
阿思蘭遣兵來接彬
二十餘屯兵進
之獲其將王鑑祖勝
周文貴援兵斬其部
取全州三月申阿
以城降遂畧道州及
進攻靜江德興據其
彬軍南關合攻之越
險要環屯北關
兩月攻之益力
元守將平章也兒吉尼勢窮感其麾下裴觀等夜縋

城出約降六月壬戌遂克之執也兒吉尼送京師彬
始攻城為守者所詭嘗志曰城破之日當悉屠之至
是亦止而不行衆心遂安七月下郴州八月師還京
調征中原十月都督馮宗異既克澤州元擴廓帖木
兒部將韓札兒等來攻彬與楊璟援之遇元兵於韓
店大戰不利十二月奮從大將攻破太原大獲人馬
上曰澤州之役雖少筭以累軍然亦兵家常事太原之
捷得此以分其勢可謂奇矣二年二月從大將取陝
西三月將趨鳳翔有旨命同楊璟周凱率師還征唐
州初兵下唐州以指揮朱某守之後唐州兵亂殺朱

指揮蘇家寨賊將老馬劉及南陽郡縣皆相應而起
事聞故有是命未幾皆討平之十二月大賞定中原
征南及守禦功賜白金二百兩文幣十五表裏後數
年卒

戴德盱眙人國初從取太平破敵砦定金陵鎮江毗
陵下金華擊陳友諒於龍濟克安慶征九江皆預有
功由總管擢授元帥癸卯戰彭蠡甲辰從平武昌勲
績益著陞指揮副使是年從克荆常澧衡潭叙寶慶
等郡乙巳取襄陽征淮東泰州丙午秋從克湘鄉及
辰州等處溪洞蠻寇丁未正月率兵至沅州圍其城

凡六日守將李興祖

即李勝

出降得壯士千三百二十

人以功陞湖廣等處行中書省叅知政事十月姑蘇

既平

上命平章胡廷瑞為征南將軍左丞何文輝

為副將軍率吉安寧國南昌袁贛滁和無為等衛軍

由江西取福建以德隨征諭廷瑞曰戴德吾所親近

之人勿以此故廢軍政凡號令征戰一以軍法從事

十一月壬寅度杉關下光澤十二月丁未克邵武丁

巳克建陽洪武元年正月率師至建寧元守將達里

麻陳子琦等同謀備禦甚堅德進兵圍之數與挑戰

敵固守不出我師環攻日急達里麻不能支以壬辰

出降遂克其城執子珂送京師獲將士九千餘人馬二百七十餘疋銀一萬九千餘兩糧九萬九千餘石自是招諭汀州及屬縣守臣皆納款泉州郡縣相繼降附四月調征中原從取燕冀二年從大將徐達取陝西鳳翔隴州鞏昌自鞏昌將所部兵征蘭州克之六月甲戌率師會大將於涇州從趨慶陽己卯駐東原與都督馮宗異御史大夫湯和都督顧時以兵四面圍其城張良臣出戰不利德等攻益嚴八月癸未克慶陽并下平涼十二月大賞定中原征南及守禦功賜白金二百兩文幣十五表裏三年十一月大封

行賞賜文綺及帛二十四疋四年二月壬戌以疾卒于京師詔贈開國輔運宣力武臣資德大夫湖廣等處行中書省右丞追封譙郡伯子孫世襲指揮僉事遣內侍及禮部主護喪給明器還葬盱眙祭以少牢仍以帛給其家

金興旺國初從征取建康擣南徐下毘陵婺州戰龍灣踣九江南昌麇鄱湖收鄂渚皆預有功歷陞威武衛指揮僉事繼取淮東浙西丁未九月克平江陞本衛指揮同知從伐中原克沂州益都濟南洪武元年三月取汴梁四月進攻河南府敗元將朮目帖木兒

兵俘獲甚衆都督馮宗異既拔潼關請於大將達曰
潼關以扼三秦最為要害必擇將益兵為戍守達命
興旺統兵守之陞指揮使二年二月從取陝西三月
克鳳翔四月詔將會鳳翔議師所向達以取李思齊
易於取張思道決計先臨洮而後慶陽遂留興旺守
鳳翔大軍進取隴州將由隴邈鞏昌由鞏昌趨臨洮
興旺奉達檄連餉五千石赴鞏昌以資軍食是年改
鳳翔衛指揮使三年王師征王係保興旺為裨將四
月從達等大破保保軍於定西獲輜重人馬數多復
從秦州南出一百八渡至夏陽擒元平章蔡琳遂入

沔州又與指揮張龍由鳳翔入連雲棧合兵攻興元
興元守將劉思忠知院劉慶祥邈降遂克之留鎮其
地六月陞大都督府都督僉事鎮禦如故七月丙辰
明昇將吳友仁來寇興旺出兵擊却之明日友仁復
來攻興旺與戰面中流矢拔矢復戰斬首數百級時
城中守兵纔三千友仁兵三萬興旺以力寡歛兵入
城遣使間道走寶雞取援兵友仁乃圍城決濠填塹
攻益急興旺嬰城拒守發巨礮撞石敵兵多死傷者
時大將達在西安得報即率師還屯益門鎮先令傅
友德領兵三千徑趨黑龍江夜襲木槽關攻斗山砦

下令軍中人持十炬燃於山上友仁軍見列炬起大驚乘夜遁去自是興旺威日振蜀人不復敢侵興元十一月中原既平論功行賞賜文綺及帛四十四疋四年征蜀取成都禽丁寇于青川賜白金彩段

王成一名遇成剛勇有膂力習騎射至正乙未正月上駐師滁陽成來附尋克和州三月元兵數萬來侵從擊敗之六月渡江克采石取太平敗陳也先元將蠻子海牙以舟師扼江面陳兆先營方山合謀傾太平丙申二月破蠻子水砦三月拔兆先營定金陵鎮江授管軍總管收廣德覆長鎗謝元帥兵丁酉四月克

宣州領兵取休寧績溪遂克徽州陞椎峯翼元帥守禦時鄧愈以樞密院判鎮宣州成聽節制十月浙江苗楊元帥率衆十萬來攻時徽新附城郭未完守禦之器未備成從愈及胡大海等分門並出奮兵力戰大敗其衆賊奔潰十一月辛卯會寧國兵徇昌化獲元守將萬戶奔馬又與元帥孫茂先攻泥窰寨克之戊戌正月從諸將攻婺源州擊破鐵木兒不花元帥寨斬首數百級獲士卒三千餘人五月浙江苗楊復率衆屯徽之烏龍嶺戰却之歷己亥庚子在禦威望甚著從愈攻下臨川卒丑從

上征陳友諒克安慶擣九江壬寅下南昌癸卯從擊友諒於鄱陽殊死戰甲辰克武昌回按廬州從取襄陽陞襄陽衛指揮副使鄧愈鎮襄陽仍屬馬勞心輔佐愈倚任之如手足時襄陽甫定脩治屯田且耕且戰軍民便之號令整肅元將王保保屢窺伺而不敢犯洪武元年四月王師克汴梁向河洛上以手書命愈乘勢統領襄陽等衛官軍征取迤北未附城池愈乃命成攻唐州克之成又與指揮孫茂先率兵分道取南陽所向克捷閏七月上復以手書示愈不必往河南征進只將襄陽等衛及已附山寨軍馬總統

勦平南陽等處未附山寨使民安輯是月辛酉成督兵進攻光石腦山寨駐營小西門令千戶張佐攻其大西門又遣人據卧羊嶺斷其水道吳興衛居指揮攻茶茅山寨據其澗夜三鼓分兵拔其柵其知院何政退保光石腦山寨又明日官軍進攻破之擒偽副樞張成同僉劉敬等六十一人斬之獲軍士二千九百餘人駝馬牛羊三千二百餘頭於是葉舞陽魯山等縣相繼降附南陽悉平八月王師克元都調成叅隨大將軍徐達取保定中山真定及山西十一月達帥師將向太原以成還守趙州兼領州事二年十一

月中原既定論功行賞陞大都督府都督僉事仍令
子孫世襲指揮四年正月穎川侯傅友德伐蜀四月
上命愈往襄陽調遣軍馬責付成統領由陸路會合友
德征進尋改命成由水路從中山侯湯和進取既而
友德克階文二州報至

上復命成統前項兵急取道興元往助友德特成控兵
已度青州果陽白水江與友德會蜀人望風驚遁遣
人諭降之留兵戍守遂從克綿州拔漢州進取成都
保寧諸郡俘獲甚衆十二月賞平蜀功賜白金綵段

五年四月從愈平九溪柿溪辰州諸蠻俘峒酋沒則
踵蠻三百餘八月率各衛兵會指揮吳復夾擊散毛
峒平之九月旋師復有彩段之賜後改右都督僉事卒
成勇而善謀用兵有紀律故能成戡定功為開國名
將云

單發濠州定遠人本農家子而驍勇善鬪為衆所推
服至正甲午挺身入義兵編伍屬廖總管從克大柳
樹寨取滁州率先効力 上試其能授千夫長乙未
攻取和州土橋等處有功既而元兵來援復戰却之
招集舟師渡江克采石取太平戰深水蕪湖丙申二
月從破中丞來石水砦俘數十人三月進拔方山陳

兆先陸若定甚城擣南徐下桐川皆預有功陞管軍
總管十月從攻常州丁酉三月擊橫林樂社等處俘
賊人三十餘名獲馬十疋賞銀枕四月取宣城六月
收江陰戊戌三月克睦州十二月從下金華乙亥攻
安慶明年陳友諒寇龍江從擊敗之克復太平陞管
軍千戶又明年征友諒破江州壬寅從徐達定豫章
癸卯三月張士誠將呂珍率兵圍安豐從達援之居
前部奮擊珍敗走旋攻廬州戰間陳友諒大率兵圍
豫章七月上親征發在行間友諒解圍逆戰於鄱
陽發復從達居前部一戰敗其先鋒獲船一艘死者

千餘人我軍由是威振友諒竟敗死達以其功間陞
驍騎衛指揮僉事甲辰從克武昌廬州荊州乙巳從
取襄陽泰州丙午下楚州浙西舊館湖州丁未九月
以平吳功賜綵段表裏自是從征中原沂州益都浚
儀燕晉陝西所在勦益著洪武三年敗元兵於定西
是年冬天下既定論功行賞陞大都督府都督僉事
仍令子孫世襲指揮四年伐蜀五年從征沙漠十三
年更定官制改右軍都督府僉事三十年以老致仕
子良孫虎襲銅鼓衛指揮僉事

王簡壽州人國初來歸從師渡江克采石太平建

康下江南諸州轉戰吳楚進征中原歷著勞績洪武

三年冬由指揮陞大都督府人參事四年任西蜀功賞白金彩段數多十三年五月六日卒上深悼之賜

葬傳山追封霍山侯謚忠毅以命其子虎為昭武將

軍留守右衛指揮使誥曰人臣能宣忠效力佐興洪

業者生膺職任之重沒有褒贈之榮所以示報功之

典也咨爾奉國將軍大都督府都督僉事王簡當朕

起義之初勤事左右從渡大江招降決戰不勝勞苦

及進陞帥職屢立奇勲繼隨大將征討四方勇略兼

人功績尤著天下既定遂命命職都府調鳳陽往彰

德練兵屯田咸稱厥任朕念開拓之功以爾年邁俾

食全祿優老於家何期嬰疾遽然長逝朕甚閔焉今

加贈開國輔運推誠宣力武臣榮祿大夫中軍都督

府同知追封霍山侯以報爾於冥冥於乎盡忠報國

臣職之當為崇德報功朝廷之令典爾雖永逝威烈

猶聞且爵正侯封子襲衛職存沒有榮可無憾矣爾

其有知服茲寵命

王真壽州人少英邁從元義兵元帥陳瑩先為裨將

瑩先敗死丙申歲以千戶來歸仍授管軍千戶

上既定金陵以真守句容及破京口克毗陵下寧國攻

池州皆與有功又領兵取江陰馬馱沙破狼山寨以

功授江陰衛正千戶從大兵討張士誠克湖州平姑蘇移師克上虞餘姚二縣遂從征闕克延平擒陳友定由海道平蘭秀山賊黨陞江陽衛指揮僉事洪武三年署蘇州衛事六年陞廣西都指揮使在鎮七年軍民輯睦以備職見稱十三年六月壬寅以疾卒勅歸葬於鍾山之陰後二年贈開國輔運推誠宣力武臣持進光祿大夫柱國同知前軍都督府事追封臨沂侯謚桓義

潘毅臨濠人元季江淮盜起毅集衆保鄉里充元帥太祖舉義兵毅歸附授帳前都尉從定金陵克鎮江下

江南諸州郡累樹奇功王師與陳友諒戰於彭蠡毅効死斬擊友諒敗亡征武昌陳理出降定荆湖拔寇寨勢如破竹癸卯秋從征浙西取湖州圍平江擒偽吳張士誠併征浙東勲績益著累遷虎賁衛指揮使丁未戊申從徐達等取中原克山東沂益浚儀河洛關陝及河北郡縣進克元都晉冀功右諸將洪武二年取陝西鳳翔鞏昌慶陽平涼等處至秋旋師元將王保保擴廓帖木兒為西北邊患三年正月復命毅從達討之三月庚戌卒于道訃聞

上為之悼惜遣官致祭賜葬臨濠凡喪葬之費皆給于

官既葬復遣使祭之其文曰朕與爾同鄉里因天下
亂爾從朕征伐十有五年破荆楚之強敵縛江右之
偽主收諸山寇轉戰吳越南方以靖命爾從大將軍
北伐大功已成軍回之日西北又起兵爭再遣從征
爾乃中道因病而逝朕思十五年間披堅執銳野宿
風餐臨陣推敵奮不顧身者屢矣及天下平身不及
享可勝痛哉嗚呼生死者天道之常爾為將臣能戮
力王事功垂于後名留千古亦可無憾矣今命中書
省贈爾宣忠秉義功臣鎮國上將軍僉大都督府事
護軍追封滎陽伯謚武肅爾其有知尚克欽承仍命
省臺府衛致祭及服除日又厚賜其家孫興襲任虎
賁衛指揮僉事

王玉廬州梁縣人元至正中盜起汝穎玉與弟瑛俱
以良家子從軍玉用捕虜功補義兵千戶歲在壬辰
太祖起兵於濠玉灼知曆數有在遂與瑛率所部來歸
上嘉其誠留衛帳下玉剛勇有謀善陳善戰繆家山寨
兵勁悍首攻夷之再蹂黃墩蕩湖口賊莫敢當其鋒
授千夫長時彭祖倡妖術淮人為其所惑結若聚衆
萬餘玉率兵擊之剋其若甲午取滁州乙未正月取
和州敗青山兵從擊雞籠山群盜以功授萬夫長六

月翊從渡江奪來石舉太平 上駐師焉陳也先控
水陸兵寇城下 上親禦之命玉東收溧陽溧水攻
宣州丙申破水陸二敵砦克臺城覆南徐皆先登陞
右副元帥從徐達攻常州營于甘露張士誠弟士德
來援玉戰敗之士德策馬走玉遣男虎子追之士德
遇坎墜馬虎子擒之玉大喜曰張士誠謀主士德
其人智勇今被我擒張氏之成敗可知矣玉大被賞
賚丁酉三月常州平遂擊常熟戊戌三月克嚴陵降
溪洞兵留戍馬十二月下金華己亥二月拔諸暨戰
臨海掀蕭山是年九月克三衢遂鎮其他辛丑六月

陳友諒偽平章李明道領兵五萬圍廣信信為胡大
海所統大海帥玉率兵援之玉從殺敗賊眾就陣手
俘明道送至京 上喜即授明道以官因得友諒之
虛實命為鄉導以取江西克江州下南昌降饒州吉
安等郡玉之功於是為大壬寅三月玉自廣信徵入
朝有祝宗南昌之亂瑛提其師討平之玉還金華謝
再興叛甲辰六月再興犯義烏東陽為瑛所擊敗七
月玉卒葬當塗縣姑孰鄉李家原眾議瑛才可代玉
上命瑛統玉兵為金華衛指揮副使自古帝王之興命
世之材應期而出以弼成大業匪直股肱重臣凡厥

登陣陷陣塞旗斬將之士皆其流匹也百世之下尚
論造周興漢知有十亂三傑而已其策勳行陣之間
不在封侯之列或名存而事功無徵或身沒而姓氏
俱泯夫豈少哉如玉者其功不下於人而其名不顯
於人如之何可無述也謨王傳

趙馘廬州人初應彭祖既而悔之泊舟巢湖與俞通
海廖永安等集衆數千聯絡為水砦堅守捍禦伺觀
時變左君弼據廬州出兵扼之馘等志弗獲遂歲乙
未春間 上駐師和陽隨通海以書納款願以舟師
全附乞發兵援之而出時 上方謀渡江患無舟楫

得書大悅以五月親至巢湖馘等迎

上登舟出湖口已脫敵險未入江元將蠻子海牙擁樓
船塞河道阻諸兵雙刀趙屯黃墩陰蓄異志馘等密
露其機 上脫歸集商舟多載猛士復至黃墩與馘
等戰却蠻子海牙又值雨水泛溢諸兵乃得縱舟翊
上直抵和陽馘從通海永安等攻破采石新生沙砦大
獲人馬六月朔扈 蹕渡江克采石取太平擢總管
八月克溧陽丙申二月從永安以舟師攻蠻子海牙
水砦矢石如雨大破之俘其人船三月從破陳兆先
營於方山大兵乘勝定臺城馘與有功遂從通海招

降苗軍將士拔鎮江陞元帥從取丹陽金壇十月攻
常州丁酉春常州平以功陞行樞密院判官四月從
上征宣城寧國長鎗諸將復與通海乘勢趨水陽下之
五月克大瀟口以舟師略太湖馬蹟山衝突賊舫軍
聲雄震降張士誠將王貴鈕津經東洞庭山與偽左
丞呂珍戰於施口而還六月克江陰戊戌正月從討
江陰石牌海寇獲偽官朱州判等船回奪馬馱沙已
亥復從通海攻趙普勝於樅陽擊其柵江營大敗其
衆遂復池州後從征安慶九江等處皆有功
何德光州人元季江淮兵起即委身來歸從定江南

諸州郡轉征吳楚屢立戰功由驍騎衛千戶陞虎賁
衛指揮僉事授宣武將軍既定中原陞指揮同知授
懷遠將軍領兵守遼東召還授安遠將軍改虎賁右
衛指揮同知陞大都督府都督僉事授龍虎將軍十
三年改立五軍遂為左軍都督府都督僉事十七年
北征還七月己亥以疾卒于家年五十二

上親為文遣官祭之曰爾自聽命以來勤勞累著功業
愈多朕將報功賜以巨賞何期但嬰微疾遽然長往
然壽雖未足歸去人歡何也以其為將而功著朝野
不為敵所辱而得善終豈不善之善者也賜葬於鎮

山之陰贈開國輔運推誠宣力武臣榮祿大夫同知左軍都督府事追封廬江侯謚壯毅

胡德或云鳳陽人未詳國初歸附從取姑孰破敵砦克建康

定南徐下常婺等州戰龍江克安慶江州南昌伐陳

友諒於鄱湖削平武昌戰吳越皆預有功歷陞驍

騎衛指揮僉事繼從大將北征中原勲績益著陞指

揮同知階懷遠將軍尋陞指揮使洪武三年十一月

中原既平論功行賞陞大都督府都督僉事仍令子

孫世襲指揮

皇明開國功臣錄卷十六

定遠黃金

韓成 濮真 孫炎

楊國興 于光 孫虎

王愷 周顯 嚴德

張子明 劉成

韓成虹縣五都人世業農成生而有勇畧歲壬辰從

太祖舉義率先戎陣攻徐克泗破諸山寨屢策顯功甲

午七月克滁州授鎮撫守禦乙未六月渡江拔采石

太平攻蕪湖丙申三月連取水陸敵寨進克金陵鎮

江等處陞元帥四月守禦金壇十月從攻常州敗援
兵解牛塘圍丁酉三月常州平賞銀鞍良馬各一八
月取揚州戊戌從下婺州自是復池陽戰龍江擣江
州下南昌皆預有功癸卯正月陞帳前總制親兵左
副指揮使專侍帷幄三月從援安豐攻廬州四月偽
漢陳友諒罄舉所有兵號六十萬圍南昌急七月從
上親征大戰於鄱陽湖自戊子至庚寅三勝之後復一
戰交鋒既久賊血水不退因被圍一時群將計無所出
上方設奇成進曰口聞古之人有殺身以成仁者臣不
敢辭也遂賜成三龍袍冠冕與上服同對賊衆投水

中賊遂退後友諒既敗死

上還建康謂中書省臣曰自古兵爭忠臣烈士以身殉
國朕與陳友諒戰于鄱陽韓成効忠死敵朕念之不
忘爾中書其議所以崇報於是中書省併以死事之
臣三十六人列進遂封贈勳爵有差以成為首功贈
安遠大將軍軒車都尉帳前總制親兵都指揮使司
左副指揮使封高陽郡侯建忠臣祠於康郎山設象
其中成位第一命有司歲時祭之夫成一介胄士耳
非有朝經暮史之益然能曉了君臣大義事當危迫
知有其君不知有其身從容就義視死如歸蓋其質

美忠愛出於自然精誠上通於天故能濟大難成大
功全大節垂大名天以不死者與之於其死而後見
今其英風烈槩一語及之猶凜凜有生氣况在當時
激羣志而注

聖衷豈輕也哉其植綱常興世教可以爭明乎日月取
信乎鬼神並义乎天地其事與紀信誑楚相類而其
難有甚焉者觀者當不俟評騭而知也於戲偉哉子
觀有征伐功仕至都督同知別有傳

濮真鳳陽人國初從舉義以忠勇被遇渡江取姑孰
定建康拔維揚下毘陵從克宣歙池婺諸州平江西
元江南昌吉安撫州湖廣武昌淮東泰州收平江閩
浙征進中原河洛關陝皆預有功由副元帥擢西涼
衛指揮歷陞都督僉事洪武初征高麗兵敗被執高
麗王詰之曰汝無故而加兵吾境亦有說乎真曰我
主上神文聖武撫有華夷一視而同仁爾國叛服不常
主上怒其欺肆不忍即加征伐數遣使諭意爾不奉若
上旨故始命將聲討豈為無故爾能悔過效順庶幾轉
禍為福王愛真驍勇徐曰吾欲用爾為將亦不失富
貴何如真厲色曰吾為天朝大臣視爾夷君猶若
下風敢以此望我耶王怒欲兵之真乃罵曰夷虜

言吾吾 主必滅爾國爾不知吾大丈夫有赤心肯

爾屈耶即剖心以示之而死王初意止欲迫脅真耳

不虞真之死也真死王大懼遣人入朝謝罪併歸真

從行兵士 上曰濮真當危難秉義不屈志節可嘉

追封為樂浪公 謚忠讓 曰班超羣將志邁雄師 鄧炳家歲

真事狀師字下有諸司官真至此下馬八字於義未安削之 時真子璵生甫數月

上報真功即襁褓中封為西涼侯年方幼因趨朝為多

士躡傷母夫人以聞

上命御用監鑄一王字一牌懸璵冠上每朝俾人知所避

避洪武二十六年坐監鑄業廢成五開生一子真存日

長女適寧河王鄧愈子鏞永樂元年鏞為璵子陳情

太宗即赦回賜鏞為子於戲人有恒言為臣死忠然能

允蹈之者幾人孰不為死死義死之正也真夷庭之

辨抗奮凌厲當此艱險非君臣之義素定於膏中安

能輕生若芥甘死如飴而了無所繫耶一死而夷情

震讐使 國勢重於九鼎大呂真之所立者固弘偉

哉曾子

大節而不 一考濮真當作濮英 真身之矣 死事在洪武二十年

孫炎字伯融金陵句容人祖文嗣父顯卿皆為儒矣

身長六尺餘面黑如鐵一足偏跛於書少所不通喜

雄辯累累數千言常窮一座人人莫不畏其口長於

歌詩元至正中天台丁復同郡夏煜皆以詩名炎遊
此兩人間日夜相切劇益得其旨趣下筆一掃百紙
可立盡辭彩爛然驚動江東雅好飲酒常與夏煜對
飲賦詩各務出奇相勝每得一雋語植案大呼譁聲
撼四隣所與交皆當時豪傑間出遊四方炎既以氣
自負常輕視章句儒學中常自許曰孫炎豈齷齪董
伍耶然卒無容之者竟困而歸歲乙未

太祖皇帝渡江克金陵開江南等處行中書省聞炎名
召見與論炎陳元運將終勸上延攬智能士以圖
大業上甚悅辟為掾

以事據既激烈所謀

合上心 上愈嘉重以為可用戊戌從征浙東以
勞擢同知池州府事尋以池為華陽府即拜炎為知
府皆有聲明年十一月乃為省都事會處州降擇鎮
安之者咸以處僻在山海間盜賊憑結非炎莫可治
上亦才炎入省月餘遂命為處州總制錢穀兵馬之柄
悉委之不取中報且以省符未署者付之聽其自辟
任炎疋馬入處州時城外七里即賊營老酋黠蠻狼
嗥虎踞不奉官府約束炎至坐廳事驅城中民踞階
下諭以元將亡及上起兵意謂民奉法則生否必
為齏粉語甚剴切民皆叩頭流血誓不敢二心退則

轉告其鄉民以為孫使君仁且武不比舊官可玩狎
炎亦下檄屬縣徧諭之由是投兵來降者相繼于門
數月皆化為良民炎復擇其驍勇者練為兵時時肄
習之拔其服衆者為長有寇則率以禽寇事罷散歸
為農有所警發馳一符立至軍門無敢或後姦吏巨
族素驕橫者歛手吐舌畏之如神不敢出聲語雖在
數百里外皆縮氣屏息如臨其家郡民賴以安皆謂
得孫使君治郡晚時 上欲用人而秀民有才能者
見方戰爭勝負未分皆伏匿山谷中不肯出炎患之
鉤致一二人問有才者為誰今皆安在錄其姓名為

書遣使者招之而劉基音濫尤為處士所推劉景有
名亦豪俠負氣與炎類自以仕元耻為他人用使者
再往返不起以一寶劍奉炎炎作詩以為劍當獻之
天子我人臣不敢私用封還之為書數千言開陳天
命以諭劉無以荅遂就見炎置酒與飲論古今成
敗如傾河决峽畧無凝滯劉乃深歎服曰基始自以
為勝公觀公論議如此基何敢望也炎既以口舌安
反側郡 上方征伐無一兵與炎壬寅二月苗將賀
仁德李祐之叛襲炎而所練卒亦應之炎無援被禽
幽空室中列卒環守脅炎降炎給之曰若生吾吾能

成若事賀李知非其本心恐留自遺患遇夜以燭鴈
斗酒饋炎曰以此與公訣炎拔佩刀割鴈舉卮酌酒
仰天歎曰嗟乎丈夫乃為鼠輩禽然我死死義爾賊
死肉臭狗且不爾食卒怒持劍噴目擬之炎飲酒自
如已上皆宋太史所撰墓銘全文自卒叱其解衣炎
大罵曰此紫綺裘乃主上賜我者賊勿解我當服
以死賊遂害之年三十又事聞上為嗟悼命歸
其喪葬金陵南門外聚寶山後二年贈徵事郎戊申
上即帝位念炎死事之忠追封丹陽縣男塑像祠之仍
命有司復其家妻王氏初國兵入金陵不屈死子毅

炎事親孝與人交緩急可仗有古烈士風遭時遇變
所為可稱道守死不二卒成美名可謂俊傑雖位不
大顯生不永年然忠義之士當與天地常存不足為
炎憾也所為詩若干卷傳於世

楊國興初名元避諱改國興濠州定遠人世居昌義
鄉免岡至正壬辰江淮兵起國興年十七與父勝從
太祖高皇帝舉義俱為帳前先鋒勝蚤卒國興領兵從
征甲午克滁州乙未正月克和州六月扈從渡江拔
采石取太平陞銀牌都先鋒元將陳也先控水陸兵
突犯城下上命國興從徐達擊敗其步軍禽也先

八月分兵取溧陽丙申三月從破方山陳光先陸崇
進克金陵及鎮江京口既定遂下金壇收廣德是年
冬東探浙右從徐達圍常州擊青軍解牛塘之厄丁
酉三月常州平遂克寧國及徽州戊戌秋從攻宜興
久不下乃以兵西截太湖口扼其餉道城內乏食衆
無鬪志遂克之陞右翼元帥時寇盜竊發所在有之
張士誠據姑蘇剽掠尤甚其重兵皆屯舊館岡興率
精銳出太湖趨湖州直抵舊館攻之生禽其弟士信
以還行省上其功陞總制大元帥宜興堰口居民楊
氏聚衆結三十六寨大肆劫奪國興麾兵破之誅其

首惡餘悉弗問一方以平

上令總督十元帥兵鎮禦其地由是聞風歸附者日以
千計勞來安輯咸得其所民歸既衆遂城宜興僅三
月而完士誠兵數候軼則分兵擊之俘獲不可勝計
辛丑士誠大舉入寇水陸並進兵臨城下國興即操
矛弧親冒矢石與戰士卒咸奮無不一當百敵兵大
敗及挽壘砲擊其戰船漂溺死者萬數士誠僅得與
偽將數人遁去 上嘉其功陞昭勇將軍神武衛指揮使丙午八月從大將徐達取浙西勇敢當先所向
輒克十一月圍蘇州軍闔門累劔士誠兵一夕兵自

門突出亟率所部擊之顛一人
在後弗前即斬以徇
一軍股栗 上聞而重之丁未正月十八日因戰中
流矢卒年三十二樞還建業

上往臨奠慟哭之曰失吾一名將矣賜葬鳳臺門東阜
洪武初一新天下城隍之命以國興嘗鎮宜興有功
於其民也勅封宜興城隍顯佑伯廟食百世國興剛
果正直驍勇所乘千人皆廢天資敏悟兼擅文學嘗
調兵援長興因入見 上勞之曰長興賴卿相援對
曰唇齒之邦理固當然臣聞趙有廉頗藺相如而強
秦不敢加兵但臣孱懦愧弗及廉藺耳

上悅曰卿之學問近亦進矣善楷書遺墨猶存其戍宜
興秉義靖難民無外虞含煦生息如父母之於子識
者比之羊祜曾祖某祖八一父即勝俱贈昭勇將軍
曾祖妣某氏祖妣某氏妣陳氏俱贈夫人配李氏封
夫人弟國器戰鄱陽湖有功授府軍衛指揮使子八
人曰晉留守衛指揮曰益襲父爵以金吾指揮使曰豫
府軍千戶從子敬蒙化衛指揮孫十七人恭鼎皆襲
祖爵貴州衛指揮使清襲父晉爵景東衛指揮晟應
薦通判山西太原府從孫濟襲蒙化衛指揮
于光字大用南康都昌人磊落有大志元末徐壽輝

初起兵畧湖口元將三旦八據鄱陽都昌當其衝要
光乃集衆列為隊伍分部境上以禦之既而壽昌陷
輝署光江東宣慰元帥鎮鄱陽浮梁陳友諒弒壽輝
光謂其衆曰我不殺友諒可事之乎庚子七月光與
鄱陽守臣左丞余椿擊走友諒部將幸同知取饒州
遂以其城來附 上命鄧愈往鎮之饒城濱彭蠡湖
而友諒尚據江州為偽都數遣舟師來攻城愈歛兵
東門外與光椿等連營以拒之屢殲其衆賊兵遂退
上以光戰守有功命為江西叅政遣楊憲齎印令光開
設分省於饒州復以手書劄付鄧愈曰近為守禦事

已經行移江西行省叅知政事鄧愈掌印叅知政事
于光封印一同開省整治民八間錢糧等事所據城池
軍機事務悉聽大都督朱文八正節制去後今仰叅政
鄧愈于光已行事理依奉施行者時饒州平章吳宏
調守撫州宏原部下吳三尉不服糾合王思義謀叛
據城分省遂不終設既而光以輕騎謁

上於龍江授行樞密院判賜以衣冠俾戍徽州光既行
復召還解金連環并繚賜之光頓首曰臣蒙被厚恩
鞠躬盡力死而後已辛丑八月 上親率舟師伐友
諒光從行師至安慶敵兵固守以陸兵疑之敵兵動

光乃同廖永忠擊破其水寨遂克安慶長驅至江州
友諒窮蹙挈妻子棄城走武昌江州既克遂徇下黃
梅及建昌等郡壬寅正月復從下南昌而還癸卯夏
友諒聲驅國兵來圍南昌凡八十五日七月光復從
上率師親征友諒解圍東出遇戰於鄱陽湖光從諸將
奮擊大敗之復邀擊之於禁江口友諒中矢死其子
理復奔武昌九月上還建康論功賜光金帛轉振
武衛指揮同知甲辰二月復從上平武昌陞鷹揚
衛指揮使階懷遠將軍乙巳謀取淮東後徐達常遇
春等率馬步舟師水陸並進十月克海安十一月克
泰州丙午三月克高郵下淮安八月伐張士誠取浙
西破昇山寨克舊館下湖州迤邐至姑蘇擊敗士誠
兵於鮎魚口進圍其城軍封門敵屢挑戰屢劔吳元
年九月城破士誠就禽有綵段表裏之賜十月從大
將達征中原下山東沂益濟南等郡洪武元年二月
克東昌棣州三月四月取汴梁及河南府五月拔陝
州直下潼關都督同知馮宗異以潼關重地請擇鎮
安之者達以光同郭子興戍之九月元左丞王其自
河中以眾來攻子興禦之兵始接光持稍大呼橫衝
其陣敵眾披靡子興乘勝擊之追奔數十里元兵六

敗二年移鎮鞏昌光以邊隅未靖寇賊乘時竊發乃
整飭號令練士伍繕兵甲嚴警備一方肅謐元將王
保保屢引兵來寇光輒擊却之是歲十二月己丑保
保知大軍南還以兵襲蘭州奄至城下蘭州守將指
揮張溫會諸將校告曰彼衆我寡難與為敵然彼遠
來未知我衆寡乘暮擊之可挫其鋒彼不退則固守
以待揆於是整兵出戰敵稍却遲明溫收兵入城敵
圍之數重溫堅守不與戰時光自鞏昌將兵援之至
蘭州之馬蘭灘卒遇保保兵戰敗被執至蘭州城下
使呼張將軍出降光大呼曰我不幸被執公等堅守
徐總兵將大軍行至矣敵怒批其頰遂被害城中聞
光言守益固保保進攻不利且懼大將軍至乃引去
光死年四十三事聞

上為之震悼遣官祭以少牢命配享雞籠山功臣廟嘗
觀唐劉感以驃騎將軍戍涇州為華仁果所圍城垂
陷長平王叔良救之賊乃解感與叔良出戰為賊執
還圖涇州令感約城中降感至城下大呼曰賊大飢
亡在朝暮秦王數十萬衆且至勉之無苦仁果怒殺
之深歎其忠義以為不可及及觀于光為虜所執使
呼於蘭州城下者與感事絕相類則又歎夫古今人

未始不相及也於戲感之心即光之心而光之功則
浮於感然唐於感贈瀛州刺史爵平原郡公封戶二
千謚忠壯詔其子贈封爵賜田宅所以勸忠也光於
此數者皆未之有得豈

聖朝崇報之典旌臣節以風天下者尚有缺歟當必有
追議之者

孫虎壽州鎮安坊人剛勇善戰嘗為義兵長歲戊戌
上駐金陵虎來附是年四月雙刀趙普勝盛兵寇池州
上命虎從諸軍援之敗其兵於樞陽樞密院判鄧愈遣
虎及王弼汪同孫茂先取婺源州兵至城西與元守

將鐵木兒不花戰自旦至日仄殺傷五百餘人不下
乃分兵逼之茂先攻北門汪同攻東門虎與王弼攻
南門三道並進復殺王千餘人遂拔其城斬鐵木兒
不花獲士卒三千人下於潛昌化克嚴州十一月從
上親平婺州己亥正月克諸暨時郡邑初定人心搖兀
虎從而安輯之以功授千戶領兵守禦建德丙午從
克新城與朱亮祖耿天璧攻桐廬降其將戴元帥獲
同素洪畧富陽禽其同僉李天祿遂攻餘杭克之從
取杭州陞海寧衛指揮副使嘉興盜起率兵捕斬之
調征福建福州汀州等處皆預有功洪武三年正月

上命徐達李文忠馮勝北征沙漠分兵為二道虎從文忠由東道入應昌三月甲午虎率兵至落馬河與元太尉買驢戰死之事聞上為之悼惜詔贈鎮國上將軍僉大都督府事追封樂安郡伯夫忠義若人臣之大閑也虎有開國勲以敵愾奮戰而死其為忠義蓋與曹官寧孫燕山同一赫然矣國志於宣寧載之於燕山虎則畧而不載豈有所取舍而然歟錄之以補其闕

王愷字用和太平當塗人幼讀書有大志欲見於事功乙未取太平召愷至幕府命為掾以參戎事授下京口民新附不安愷撫實之及建中書省治以愷為都事苗軍數萬自杭來降待命嚴州境愷馳入其軍借其渠帥來朝王師取婺以胡大海鎮之而民賦軍器皆屬於愷及克三衢命愷兼總制衢州軍民事施設有方謀慮深遠增城設濠置游擊軍募保甲以益戍守籍屬縣丁壯六丁中簡一為兵無事則為農有警則出戰五丁者資其食凡得兵萬餘人大海攻紹興其子犯酒禁上欲誅之愷諫欲以大海故減其罪僉院常遇春守金華其部將有擾民者愷執而撻之市遇春怒使人讓之愷對曰民者國之本也將軍

上股肱肯令傷其本乎持一部將而萬民安將軍所樂聞也遇春謝之陳友諒寇龍江上命大海出兵擣廣信以牽制之大海遣元帥葛俊率兵以往過衢州愷止俊即乘驛至金華謂大海曰廣信為友諒門戶彼既傾國入寇寧不以重兵為守非大將統全軍以臨之不可今出偏師設若拌劍非惟廣信不可下吾衢先繹騷矣大海從之率兵親攻信州至靈溪城中步騎數千出迎戰擊敗之督兵攻城守者不能禦衆潰遂克之一如愷言及拜大海為江南行省叅知政事守金華遷愷為郎中佐之兵將呂珍侵諸暨堰水

以灌城大海奪堰水灌珍珍勢蹙馬亡拔矢誓辭解兵愷謂大海曰彼然謀慎無聽大海不忍食言竟引還珍果敗盟壬寅二月癸未金華苗軍元帥蔣英劉震李福叛殺大海及愷初大海下嚴州震等自桐廬來降大海喜其驍勇留置幕下待之不疑至是震等謀亂以二月七日舉兵是日蔣英等入分省署陽請大海至八詠樓下觀弩設計殺之因執愷愷正色曰吾職居郎署同守此土義當死寧從賊也劉欲全之賊黨吳得真與有隙曰無自道患愷遂被害事聞上深悼之贈奉直大夫飛騎尉追封當塗縣男於戲唐

張巡守睢陽罵賊以死南霽雲亦死之遂同以忠義
名國初花雲守太平死事許瑗王鼎亦死之耿泗公
守慶州胡越公守金華各死事變孫炎王愷亦死之
蓋士之忠節必臨禍患遇危難而後見然亦只是成
箇義而已若徒與數子受命戍守與賊存亡上不負
君下不負主將生輕義重一死安足惜哉故曰白虹千
里氣頸血一劍義豈與數子之英烈有焉

周顯廬州合肥人精悍有膽氣驍勇過人至正乙未
上駐師和州顯自黃山來附六月翊從渡江拔采石取
太平充帶刀先鋒占溧水句容溧陽丙申二月破中
水水寨三月擣陳兆先營京南荳鎮江四月下金壇
丁酉三月取常州橫林樂社等處獲馬三疋賊人一
十四名四月克宣州六月收江陰營于甘露征常熟
與張士誠戰于望亭獲馬二疋又率所部黃旗先鋒
擊敗陳保兒擒賊六人斬首五級送總兵徐達所賞
繡段銀碗各一回京上解所服紫繡襖賜之陞前
部先鋒戊戌三月隨邵平章征湖州首登月城賜錦
衣名馬十一月從克婺州獲馬二疋己亥正月克諸
暨俘賊二十六人九月援常州陞惟前部先鋒庚子
五月於龍灣石原山敗陳友諒兵獲船一艘追至采

石觀渡橋復戰獲鼓手僧家奴勇士何長等一十三人逃復太平辛丑十一月從華平章授長興李將軍敗走獲偽官王萬戶
三月張士誠將呂珍盛兵寇安豐 上親援之 行擊走珍獲馬一疋七月

戰鄱陽湖獲賊海平武昌回克廬州乙巳

五月取安陸襄陽等處平章常遇春上其功陞驍騎

衛千戶十一月克秦州丙午八月從大將征浙西十

月克舊館十一月克湖州吳元年九月從破蘇州擒

張士誠賜彩段表裏各四段宿州衛千戶尋陞金吾

右衛指揮同知侍從 皇太子巡視太平辛酉月從大

將征中原洪武元年正月攻隸州尋拔之誥授懷遠

將軍三月克汴梁四月克河南府獲馬一十三疋時

上以汴梁為北京五月親往巡狩顯回軍扈從七月督

指揮曹興才攻取泉白寨又於汝州攻破毛蕩盧劉

參政營獲賊衆一百二十餘人大軍家屬時初回呂

平章賊兵往東衛輝彰德顯率衆防禦卒保無虞復

調策應陝州十一月征探路村至聞喜梅右丞逆戰

顯手刃之獲其所乘良馬十二月奉康都督檄總制

指揮桑榮等領兵邏絳州路達克河中二年二月改

驍騎前衛指揮同知率精銳征迤北四月從常遇春

至錦川追江文清獲馬一百二十四疋車一十七兩
牛四百七十八頭人口一百一十七戶六月至金寧
追也達於北黃河獲車百二十兩牛四百八十八人戶
一百二十橐駝九隻馬為疋者五十六克上都獲馬
疋三十九擒賊四百二十一人八月從李文忠援大
同九月克馬邑獲馬七賊人二百三十六進抵梅峪
口賊脫列伯軍獲樞密知院王文質馬飛卿等官數
十員軍士二百餘馬二百四十九逐孔興至東勝州
而還大將賞以文幣 上賜彩段表裏各七三年正
月復從文忠征沙漠二月克察罕腦兒三月抵賂駝

山收朵兒只平章寨獲馬一百二十疋車五兩牛二
百六十橐駝一百二十進取上都五月北克應昌府
獲玉寶五金印一玉冊二送文忠所車兩一百二十
牛隻五百一十橐駝一百八十馬三百一十二從左
丞趙庸至苦脫孫追蠻子太尉奧魯獲馬駝以數百
計擒偽平章伯答兒等復追江國公軍馬降之六月
克虹螺山七月引兵至散不剌追沙不丁及小總兵
王保兒番寇十一月師還由北平抵京入見

上慰勞再三賜綵段十表裏陞昭勇將軍驍騎前衛指
揮使誥授世襲四年復從文忠北征六月進兵阿魯

渾河與虜戰沒迎柩賜葬

封贈無考

顯從征伐十有七年

百戰百勝奇功著乎全師精忠見於死節智畧無前

義勇兩至其庶千古之烈將也哉祖明贈明威將軍

親軍指揮使司副使都尉追封汝南郡伯祖妣某氏

封汝南郡君父原德贈懷遠大將軍同知親軍指揮

使司事輕車都尉封汝南郡侯母某氏封汝南郡君

妻陶氏封汝南郡夫人子巖勇敢有父風六年十月

襲驍騎衛指揮同知尋陞本衛指揮使調杭州衛授

昭武將軍改河南中護衛二十年調龍驤衛領兵征

雲南攻取陸肇

一作六

白照水腦洞殺賊二百餘人隨

靖寧侯勦東川渡牛欄江搜捕各山至金沙江生擒

蠻人數十名獲馬牛數百取托蓬烏路等砦進征把

事大發克地至乾海子生擒管站把事那育等數人

斬獲蠻賊七十餘首馬騾牛羊計以七百旌軍東川

勦叛蠻五百人其地既平奉 旨畢節鎮禦巖有膽

畧能以寡克衆所向成功在鎮善撫輯民夷安之嘗

以軍事赴召懸鈴馬鑣晝夜馳數百里人因號為響

馬周云

嚴德臨濠人國初從拔滁和渡江取太平克金陵鎮

江甌凌下宣歙衢婺數州之地征九江武昌淮東皆

預有功由先鋒擢元帥丙午征浙西勲績益著陞海
寧衛指揮同知丁未從朱亮祖討方國瑛九月駐軍
新昌德攻關嶺山寨平之尋克天台縣進攻台州國
瑛出兵拒戰德力戰而死洪武二年 上追念之下
中書省議六月壬辰追封德為天水郡公誥曰折衝
禦侮實資壯毅之才崇德報功宜重贈封之典故海
寧衛指揮同知嚴德昔當舉義早已歸誠性資懷百
鍊之剛膽畧有兼人之勇及定建業每列前鋒野戰
則銳莫敢當城守則堅不可犯恢弘疆宇勤歷歲年
登中翼之帥垣進外營之亞使既殄禦溪之寇旋靖
海寧之區乃猗總戎肆征東浙新昌決勝天台合圍
奮身士卒之先致命矢石之下敵雖殲滅爾竟殞亡
追念英風曷勝軫悼宜頒恤典用賁幽局可贈驃騎
上將軍僉大都督府事上護軍追封天水郡公於戲
力拔孤城慨想生前之烈芳留百世永垂身後之名
靈其有知服此嘉命

張子明國初以軍功任千戶從守洪都歲癸卯四月
偽漢陳友諒釐舉國兵號六十萬自武昌來圍洪都
用雲梯等攻具晝夜攻城期必拔守將大都督朱文
正等嬰城固守隨方應敵至六月被圍日久音問不

通文正遣子明告急於建康子明取東湖小漁舟夜
從水關潛出越石頭口夜行晝止至半月始得達見
上具言其故上問友諒兵勢何如子明對曰友諒兵
雖盛而戰鬪死者亦不少今江水日涸賊之巨艦將
不利用又師久乏糧若援兵至必可破也

上謂子明曰汝歸語文正但堅守一月吾當自取之不
足慮也子明還至湖口為友諒兵所執友諒謂曰若
能誘城降非但不死且得富貴子明偽許之至城下
大呼曰大軍且至固守以待友諒怒遂殺之後特封
子明為忠節夫立功臣祠於洪都塑像其中命有司

歲時致祭 詳見豫章忠臣廟記

劉成靈壁人負膽畧驍勇絕倫戰敵以騎射取勝從
太祖高皇帝克滁和渡江取太平破敵砦進克金陵按
鎮江廣德等處有功由百夫長陞授總管丁酉二月
丙午同耿炳文自廣德取長興張士誠將趙打虎以
兵三千迎戰敗之追至城西門打虎走湖州戊申克
長興獲戰船三百餘艘擒士誠守將李福安谷失蠻
等義兵萬戶將義率所部二百人降乃分兵據要害
設戰具為守禦計三月上敗長興州為長安州立
永興翼元帥府以炳文為總兵都元帥成為左副元

帥守之五月己亥士誠遣其左丞潘原明元帥嚴再興來寇屯上新橋成與炳文擊敗之生擒數百人斬首甚衆原明等遁去自是每戰輒勝寇不敢犯踰四年為辛丑十一月戊午士誠復遣司法李伯昇來侵衆十餘萬水陸並進城中兵僅七千敵勢壓境而至上命諸將陳德等往援之不利成與炳文嬰城固守伯昇攻其西門炳文遣成出西門迎擊敗之禽其將宋元帥等追至東門而還敵軍下瞰城中運土石填濠隍放火船燒水關攻城益急成與炳文於城中晝夜應敵凡月餘內外不相聞 上以其圍久不解命常

遇春救之兵至伯昇棄營遁去士誠數加侵軼成擊之數劫而返丙午十一月王師克湖州明年禽士誠浙西悉平洪武元年置海寧衛先是已有衛名此據開初衛治而云耳以成為指揮僉事提兵往來浙西後以殺賊中流矢傷額而死人思其功立祠祭之竊觀我

聖祖取天下於羣雄惟以偽漢為勦敵麀戰數年然卒就殲無所逃命以偽吳不敢相援故也偽吳所以不相援者以炳文守長興吳良守江陰有以遮列之也良守江陰弟楨為之佐炳文守長興則成實佐之也當姑蘇鳴張之日長興乃其必爭之地孤城血戰歷

十餘稔卒保無虞由是言之成之功豈細也哉於戲
有維城之烈有死事之忠成之克全予為臣者其在
是矣

